

CONVENIO DE COLABORACIÓN ENTRE A CONSELLERÍA DE ECONOMÍA, INDUSTRIA E INNOVACIÓN E A FUNDACIÓN CEL INICIATIVAS POR LUGO PARA A DINAMIZACIÓN E IMPULSO DOS VIVEIROS INDUSTRIAIS DOS PARQUES EMPRESARIAIS GALEGOS DA PROVINCIA DE LUGO

MEMORIA XUSTIFICATIVA

O secretario xeral de Industria da Consellería de Economía, Industria e Innovación, **DECLARA:**
Que a Consellería de Economía, Industria e Innovación formalizou coa Fundación CEL Iniciativas por Lugo (en adiante FCEL) o instrumento convencional arriba referido por un período de vixencia que abrangue desde a súa sinatura ata o 31 de decembro de 2024.

Que o instrumento convencional ten por obxecto:

O financiamento das actuacións dirixidas a dinamizar e consolidar os viveiros industriais activos, inactivos e en construción sitos na provincia de Lugo, e que os obxectivos principais que se perseguen con estas actuacións son os seguintes:

- Fortalecer a capacidade emprendedora creando un ambiente axeitado para o desenvolvemento industrial.
- Favorecer a reindustrialización e promover o desenvolvemento económico no eido local.
- Atraer e facilitar a implantación de novos proxectos industriais.
- Aumentar a taxa de supervivencia das empresas durante os seus primeiros anos de vida minimizando os custos ao inicio da súa actividade.
- Xerar emprego de calidade baseado no desenvolvemento de ideas de negocio que enriquezan as cadeas de valor das actividades industriais.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional se fundamenta no seguinte:

A Fundación é unha entidade sen ánimo de lucro creada no ano 1997 no seo da Confederación de Empresarios de Lugo, rexida pola Lei 12/2006, do 1 de decembro, de fundacións de interese galego e polos seus estatutos, con ámbito de actuación autonómico e preferente na provincia de Lugo, que por vontade das súas entidades fundadoras ten afectado de modo duradeiro o seu patrimonio á realización de fins de interese xeral. O seu obxectivo fundamental é o fomento do espírito emprendedor, apoiando proxectos empresariais desde os seus inicios e ata a súa consolidación e facilitando o seu labor aos emprendedores nos seus primeiros pasos.

Esta Fundación ten unha ampla experiencia e coñecemento dos sectores produtivos de Galicia e da súa realidade territorial, froito de diversos traballos e colaboracións coa Administración Autonómica para a elaboración de plans de dinamización, estratexias e estudos socio económicos dos espazos rurais de Galicia, entre os que cabe subliñar a pertenza á Rede de Polos de



Emprendemento e apoio ao emprego da Consellería de Promoción do Emprego e Igualdade, colaborando na xestión dos Polos da Montaña Lucense e Polo Comarca Lucense; centro colaborador da Rede de Economía Social, Eusumo; colaborador coa Consellería de Cultura, Educación, Formación Profesional e Universidades, a través do Programa Atrévete a Emprender; e xestión integral da aceleradora Business Factory Aero, entre outros. A FCEL conta tamén cun Programa de Viveiro de Empresas onde realiza un asesoramento, acompañamento e apoio integral dos proxectos emprendedores.

Que, en liña coa competencia de identificación e desenvolvemento de novas actividades industriais promoveuse por parte da Secretaría Xeral de Industria da Consellería de Economía, Industria e Innovación, a dinamización da estratexia de viveiros industriais na provincia de Lugo, que ten como obxectivo o establecemento dunha rede de infraestruturas e servizos que achen valor engadido e permitan a implantación e fixación de novos proxectos industriais, constituíndo un apoio moi importante para as persoas promotoras nas súas primeiras etapas de actividade e contribuíndo ao éxito final do proxecto.

A Consellería de Economía, Industria e Innovación achegará para o financiamento do custo das accións previstas no presente convenio douscentos mil euros **(200.000 €)**. Esta cantidade financiarase con cargo ao código de proxecto, aplicación orzamentaria e anualidade seguintes:

Código proxecto	Aplicación orzamentaria	2024	TOTAL
2024 0045	09.02.732A.781.0	200.000€	200.000€

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela, na data indicada na sinatura dixital

O secretario xeral de Industria,

Nicolás Vázquez Iglesias

